

IZVJEŠTAJ O RADU UDRUŽENJA PRIVREDNIKA GRADA ZENICA ZA PERIOD JULI 2023 - MAJ 2024

Predsjednik Udruženja



UVOD

Izveštaj o radu Udruženja privrednika Grada Zenica je izveštaj za period od 01. jula 2023. godine do 30. maja 2024. godine. Izveštaj je sačinjen na osnovu provedenih aktivnosti i predstavlja pregled realizovanih aktivnosti Udruženja, odnosno njegovih organa, te sadrži osnovne rezultate koji su postignuti u navedenom periodu.

Udruženje je u navedenom period uputilo niz inicijativa prema nadležnim institucijama na državnom, entitetskom, kantonalnom i gradskom nivou.

Održano je nekoliko sastanaka sa Ministrom privrede ZDK i predstavnicima gradske uprave.

Predstavnici udruženja se učestvovali u radu Privrednog savjeta Grada Zenica kao i u Komisiji za dodjelu podsticajnih sredstava namjenjenih za oblast privrede u 2024. godini na području Grada Zenice.

Nastavljena je saradnja sa Udruženjem poslodavaca iz FBiH u cilju unapređenja uslova za poslovanje kroz razne inicijative upućene nadležnim institucijama.

Redovno su održavane sjednice Upravnog odbora na kojima su učestvovali i pojedini članovi udruženja.

Održavani su neformalni sastanci sa članovima udruženja na kojima se diskutovalo o aktuelnoj problematici.

Organizovana je Konferencija pod nazivom „Efikasnije poslovanje privrede Grada Zenica programskim jačanjem svijesti o važnosti očuvanja okoliša uvođenjem energetske efikasnosti: DIŠI ZENIČKI PRIVREDNI RAZVOJ”.

Organizovane su besplatne edukacije za privrednike na temu “Pisanje i izrada projektnih prijedloga” te “Digitalni marketing”.

Udruženje je dobilo svoju web stranicu.



I USLUGE ČLANOVIMA UDRUŽENJA

Puštena u rad web stranica Udruženja kroz koju je članovima omogućeno pružanje svakodnevnih informacija putem Novosti, praćenje aktivnosti udruženja kroz Aktivnosti te je omogućeno učlanjenje novim članovima ispunjavanjem online pristupnice

Udruženje je redovno, na zahtjev članica pružalo besplatnu pravnu pomoć te pružanje stručne pomoći vezane za javne pozive, zakonsku regulative i sl.

Održavali smo sastanke sa predstavnicima nadležnih ministarstava i drugih institucija, gdje smo koordinirali u rješavanju konkretnih problema članova.

Organizovane su dvije besplatne edukacije na temu "Pisanje i izrada projektnih prijedloga" te "Digitalni marketing"

II SARADNJA SA INSTITUCIJAMA VLASTI I DRUGIM ORGANIZACIJAMA

Održan je sastanak sa Ministrom privrede ZDK vezano za unapređenje i olakšavanje uslova za apliciranje na javne pozive za sufinansiranje privrede.

Održan je sastanak sa predstavnicima Gradske uprave vezano za povećanje iznosa finansiranja podsticajnih sredstava namjenjenih za oblast privrede.

III RAD ORGANA UDRUŽENJA

Rad organa i tijela Udruženja odvijao se u skladu sa Statutom i drugim općim aktima Udruženja.

U izvještajnom periodu Upravni odbor udruženja je održao 5 redovnih sastanaka na kojima je razmatrano 39 tačaka, doneseno 9 odluka i 10 zaključaka.

Upravni odbor je održao sastanak sa Adnanom Smilbegovićem, Predsjednikom Izvršnog odbora udruženja poslodavaca iz FBiH na kojem je razmatrana aktuelna problematika vezana za minimalne place, regresiranje kamata te uvođenja CBAM-a.

Upravni odbor je održao sastanak sa Samrom Duraković-Gluhić, PR menadžericom ZEPS 2024 koja je predstavila aktivnosti vezane za pripremu sajma. Upravni odbor je pružio punu podršku organizaciji sajma i ponudio partnersku pomoć.

Dana 26.03, Predsjednik udruženja je učestvovao u radu Privrednog savjeta Grada Zenica na kojem su predstavljene informacije o radnoj zoni Zenica Jug, održavanju Zeničkog privrednog sajma ZEPS te o tekućim projektima.

Predstavnik udruženja je učestvovao u radu Komisije za dodjelu podsticajnih sredstava namjenjenih za oblast privrede u 2024. godini na području Grada Zenice.

Ekonomski tim udruženja je prijavio 3 projekta za sufinansiranje od strane Grada Zenica, ZDK i Federalno ministarstvo razvoja, poduzetništva i obrta odnosno:

1. Projekat „Učešće privrednika na sajmu Zenica Expo 2024 i edukacija na temu pokretanje biznisa“ – odobreno 1.704,00 od strane Grada Zenica (projekat će se realizovati do kraja 2024. godine)
2. Projekat „Mehanizam za ugljičnu prilagodbu na granicama (CBAM) –podsticaj za smanjenje emisije CO2 i povećanje proizvodnje i korištenja energije iz obnovljivih izvora” – odobreno 500,00 KM od strane Ministarstva za prostorno uređenje, promet i komunikacije i zaštitu okoline Zeničko–dobojskog kantona (projekat će se realizovati do kraja 2024. godine)
3. Projekat “Serija edukacija za mala i srednja preduzeća 2024” – očekuje se odluka Federalnog ministarstva razvoja, poduzetništva i obrta

Aktivnost koje je poduzelo Udruženje u izvještajnom periodu

1. Vijeću Grada Zenica upućen Apel vezan za usvajanja inicijative za donošenje Odluke o zabrani ulaska teretnih motornih vozila u gradsku zonu
2. Ministarstvu za prostorno uređenje, promet i komunikacije i zaštitu okoline ZDK upućen dopis vezano za problematiku prometovanja vozila auto-škola u Poslovnoj zoni Zenica 1
3. Federalnom ministarstvu energije, rudarstva i industrije te Razvojnoj Banci Federacije Bosne i Hercegovine upućena Urgencija za isplatu regresirane kamate po osnovu Garancijskog fonda za kreditno-garantni program za mikro, mala i srednja preduzeća
4. Udruženju poslodavaca iz FBiH upućen dopis za urgenciju isplate regresirane kamate po osnovu Garancijskog fonda i aktualizaciju uvođenja CBAM-a
5. Zajedno sa Udruženjem poslodavaca Zenica objavljen tekst nezadovoljstva povodom odluke o izmjeni i dopuni budžeta FBiH za 2023 kojom su značajno umanjena sredstva za finansiranje izgradnje zatvorenog bazena u Zenici faza I

6. BH Telecomu d.d. Sarajevo upućena Urgencija za rješavanje problema sa mobilnom mrežom u poslovnoj zoni Zenica I
7. Predsjedavajućem skupštine Zeničko-dobojskog kantona, Premijeru vlade Zeničko-dobojskog kantona, Ministru za privredu Zeničko-dobojskog kantona te Komisiji za privredu i razvoj Zeničko-dobojskog kantona upućena reakcija povodom upućivanja prijedloga budžeta Zeničko-dobojskog kantona za 2024. godinu u Skupštinsku proceduru po skraćenom postupku.
8. Ministarstvu za privredu ZDK upućen dopis sa primjedbama i prijedlozima za unapređenje javnih poziva za subvencioniranje privatnih preduzeća i poduzetnika
9. Organizacionom timu ZEPS 2024 upućeno pismo namjere za partnerstvo u realizaciji projekta ZEPS 2024
10. Zeničkoj razvojnoj agenciji ZEDA dostavljen prijedlog za upućivanje inicijative za formiranje matičnog ureda Grada Zenica u Poslovnoj Zoni Zenica I
11. Udruženju poslodavaca iz FBiH upućen dopis vezan za rješavanje problematike zapošljavanja stranih radnika

IV OKRUGLI STOLOVI, EDUKACIJE I KONFERENCIJE

1. Realizovana je konferencija „Znamo i hoćemo odgovoriti na sve izazove na efikasniji privredni razvoj – Diši privredni razvoj iz srca Bosne“ na kojoj je učestvovalo preko 60 zvanica, privrednika, poduzetnika, vlasnika velikih kompanija sa područja ZDK, predstavnika akademske zajednice, kao i nosioca izvršne i zakonodavne vlasti. Konferenciju su finansirali Grad Zenica i Ministarstvo za prostorno uređenje, promet i komunikacije i zaštitu okoline Zeničko-dobojsko kantona
2. Realizovana edukacija iz oblasti “Pisanje i izrada projektnih prijedloga” na kojoj je učestvovalo oko 25 poduzetnika
2. Realizovana edukacija iz oblasti “Digitalni marketing” na kojoj je učestvovalo oko 30 poduzetnika

Zenica, juni 2024

Predsjednik udruženja

